

# kontuola

KONTUOLA, Idolaz elkarte, ANTZUOLA. Kazetaria: Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Sergio Azkarate, Gari Bragado **Telefonoa:** 943 76 03 97 **Faxa:** 943 76 29 77.

Antzuolako hamabostekaria, 84. zenbakia. 2001eko irailaren 7a.

## Eskolarako garaia heldu da

### Aurtengo kurtsorako 144 umek eman dute izena Herri Ikastetxean

**Datorren astelehenean hasiko dituzte eskolak Antzuolako Herri Ikastetxean. Bi hilabete baino gehiago oporretan igaro ostean, bueltatzeko garai iritsi zaie. Datorren astelehenean, irailak 10, hasiko dira. Datorren kurtsorako 144 umek eman dute izena dagoeneko.**

**A**stelehen goizean, 9:30ean, hain zuzen ere, irekiko ditu bere atak Antzuolako Herri Ikastetxeak. Irakasleak hasi dira dagoeneko lanean, kurso berria prestatzen. Ikasleak, berriz, astelehenean hasiko dira, esan bezala. Irailaren 24ra arte, baina, goizez bakarrik izango dituzte eskolak.

144 umek eman dute izena aurten. Maila bakoitzean 15 ume arituko dira, batez beste. Pilar Etxaniz ikastetxeko zuzendariak azaldu digunez, azken urteetan mantendu egin da ikasle kopurua, nahiz eta duela urte batzuetatik hona nabaria den jaiotze tasak behera egin duela.

Aipatutako 144 ume horiek 2 urte-tik 12ra bitartekoak dira. Haur Hezkuntza eta Lehen Hezkuntza eskaintzen dute Antzuolako Herri Ikastetxean. Derrigorrezko Bigarren Hezkuntza ikastera, berriz, Bergarara joaten dira Antzuolako ikasleak. Aurten, 15 antzularrek hasiko dituzte DBHko ikasketak Bergarako institutuan.

144 ume horietaz 17 irakasle arduratuko dira. Maila bakoitzak bere tutorea izango du, 10 tutore guztira. Bestalde, heziketa fisikoko irakasle bat eta ingeleza irakatsiko dien beste bat izango dute. Laguntzarako beste hiru irakasle ere izango dituzte herri ikastetxean. Hiru irakasle horiek hainbat gauzatzaz ardurtzen dira: txikienen sarrera prozesuaz,



Gazteenak Lizarrara joango dira, eta nagusiak Zuatzako uhartera.

psikomotrizitateaz, kurtsosan landuko diren gaiak aztertzeaz, eta abar. Azkenik, eskolako kontsultorea dugu. Kontsultorearen lana, besteak beste, ikasleei jarraipen pertsonalizatua egitea da, eta batez ere, arazoren bat duten ikasleei.

#### **KURTSO HASIERAKO BIDAIA**

Urtero bezala, kurtsoa ondo hasteko, 4 eguneko irteera egingo dute Lehen Hezkuntzako ikasleek. Lehenengo, bigarren eta hirugarren mailako ikasleak Lizarra-

ko kanpinera joango dira irailaren 11tik 14ra. Lau irakasle joango dira eurekin. Gainerakoak, berriz, irailaren 18tik 21era Zuatzako uhartera joango dira. Pilarren esanetan, badira urte batzuk irteera hau kurtsu hasieran egiten dutenetik. Horren arrazoia da, umeak euren artean elkar ezagutzea eta baita irakasle berriarekiko harremanak lantzea ere. Gainera, garrantzitsua ei da hasierako harremanak eskolako testuingurutik kanpo lantzea.

■ ■ ■  
Lehen Hezkuntzako ikasleek 4 eguneko  
irteera egingo dute kurtsu hasieran  
■ ■ ■

# Futbol denboraldia hastear da

Jubenilak eta neskak izango dira liga hasten lehenak. Datorren astean, irailaren 16an, hain zuzen ere, hasiko dute denboraldia. Gainerakoek, berriz, iraila-

ren 23an hasiko dute. Aipatzekoa da kadeteen taldeak 15 jokalaria bakarrik dituela; beste bi topatu ezean, ez dute talderik osatuko. Nesken taldean ere

badute arazorik, ez dute eta entrenatzailearik topatzen, nahiz eta oraingoz, Arantzazu Kortabarria dabilen neskek entrenatzen.



## KADETEAK

Gurutz Madariaga eta Andres Arbulu, entrenatzailea eta laguntzailea dira. Jokalariak: Auritz Guridi, Unai Madariaga, Txomin Alberdi, Imanol Lizarralde, Xabin Muruamendiaraz, Eneko Mujika, Luis Franco, Mikel Idiakez, Aitor Godoy, Josu Asensio, Ander Cabrera, Iban Urzelai, Julen Larrañaga, Dabid Fresno, Ekaitz Olalde eta Iñaki Arbulu.



## LEHEN MAILAKO JUBENILAK

Jose Angel Fernandez eta Juanjo Bote dira taldeko entrenatzaileak. Jokalariak: Pello Lopez de Subijana, Dani Garcia, Aritz Saidi, Xiker Iparragirre, Kepa Igarza, Gotzon Zabalo, Oihan Gezalaga, Hodei Aranguren, Aritz Elorza, Egoitz Mendia, Gorka Iglesias, Jose Rodriguez, Erik Lizarralde, Jon Ander Castro, Jon Gurutz Godoy eta Endika Iturbe.



## NESKEN FUTBOL TALDEA

Ez dute entrenatzailearik oraindik. Jokalariak: Edurne Iturbe, Olaia Alberdi, Alazne Aldaldu, Iratxe Azkargorta, Irati Berraondo, Larraitx Berraondo, Iraia Gabilondo, Nerea Barkero, Itziar Jauregi, Goreti Fernandez, Kristina Longares, Enara Agirre, Esther Reinoso, Arrate Aranguren, Ana Peñalba, Alazne Alberdi, Uxue Alberdi, Garazi Larrea eta Aintzane Jauregi.



## BIGARREN MAILAKO ERREGIONALA

Andoni Azkargorta eta Igor Larrea dira entrenatzaileak. Jokalariak: Jon Arregi, Iker Irizar, Ieltsu Mendizabal, Unai Gezalaga, Juan Pedro Jurado, Mikel Jauregi, Gurutz Zabalo, Aitor Berraondo, Samuel Cuevas, Eneko Iturbe, Ibon Segurola, Ibai Azkarate, Jabi Peñalba, Jon Iturbe, Aritz Alonso, Josu Segurola, Luis Herzog, Jon Aranguren, Aitor Gabilondo eta Eneko Zabaleta.

**GOROSTI**  
**Taberna**

☎ 943 76 62 96  
Zurrategi plaza ANTZUOLA



Jose Gomez  
Abad

Errekalde 6, 4-B. Antzuola  
943 76 60 19  
943 76 60 43

**AITZ-GARBI**



taberna  
jatetxea

Pintxoak eta kazulatuak.  
Bazkariak eta afariak

Kalebarren 15. Tf. 943 78 70 51

# Finalista Eguna, mendizaleen jaia ospatuko dute domekan

Hogeita zazpigarren aldiz ospatuko dute mendizaleek jaiegun hau

Urtero bezala, datorren domeka, irailak 8, herriko mendizaleen jaieguna izango da. Trekutzen ospatuko dute egun hori, eta mendi buelta, bazkaria eta dantzaldia antolatu dituzte Arrolakoek, besteak beste.

**M**endian ibilaldia egin, eta jaiegun polita pasatu nahi duenak aukera paregabea dauka datorren domekan. Goizeko 9:00etan jarri dute hitzordua Arrolakoek Herriko Plazan, eta Antzuola inguruko mendietan bizpahiru orduko ibilaldia egin ostean, Trekutzera joango dira. Hantxe, Gaztelugaineko txabolana, zain izango dute hamarretakoa mendizaleek, ordurako prestatuta izango dute eta antolatzaileek, salda beroa eta txorizoa. Hori bai, bazkaria nork berea eraman beharko du. Arrola elkarteko arduradunek mahaiak jarriko dituzte. Edariari dagokionez, urtero bezala, taberna jarriko dute Trekutzen, beraz, ez da etxetik eraman beharrik izango.

Bazkaldu ostean, ondo pasatzeko eta dantzarako aukerarik ere ez da falta. Herriko trikitilari gazteak arituko dira, ohi bezala, eta umeendako hainbat jolas ere antolatu dituzte.

## URTEEKIN ALDATU EGIN DA FINALISTA EGUNA

1974ko irailaren 8an ospatu zuten Finalista Eguna lehendabiziko aldiz. Garai hartan, baina, Koroson izaten zen. Orduan ere mendizaleen jaieguna izaten zen Finalista Eguna. Baina, horretaz gain, sariak banatzen zituzten herriko mendizaleen artean. Urtean zehar igotako mendien arabera banatzen zituzten



Bazkalostea herriko trikitilari gazteek alaituko dute.


sariok. Hiru maila egoten ziren: 15.000, 25.000 eta 50.000 metro igotakoak. Horretarako, noski, igotako mendi guztien altueren batuketa egiten zuten. Baina, zelan jakin mendizale bakoitzak zenbat mendi igo dituen? Arrolakoek azaldu diguten moduan, nahiko galduta dagoen ohiturari esker. Mendi tontor askotan buzoia egoten zen, eta oraindik ere ba-

dago, gainera. Beraz, mendizaleak bere elkarteko txartela buzoira bota behar izaten zuen, eta beste mendizale batek txartel hori hartu eta elkartera eraman behar izaten zuen. Horrelaxe jakiten zuten mendizale bakoitza zein menditan egon zen. Ohitura hori galduz joan zenez, sariak banatzeko ohitura ere galdu egin zen Antzuolako Finalista Egunean.

Goizeko 9:00etan abiatuko dira  
plazatik Trekutzera joateko

**zabalo**  
IGELTSEROTZA  
Jose Luis Zabalo  
Birgaitzeak • Fatxadak  
Teilatuak • Sukalde eta bainu gelak  
Kalegoi 9, 1a., ANTZUOLA. Tf. 943 76 60 89

**Igor eta Txomin**  
  
Margoak orokorrean  
ANTZUOLA 609 157 131  
BERGARA 609 150 164

**MUJIKA HARATEGIA**  
  
Berezitasunak:  
Etxean hazitako  
zekorrak eta oilaskoak  
Kalebarren, 1. ANTZUOLA  
Tf. 943 76 64 34

**LEKU-BERRI MERENDEROA**  
Janariak eta edariak  
Tf. 943 76 60 94



laz ere lehen saria eman zioten Kontxiri.

## Kontxi Izagirre, Ordiziako azokan sariduna «Sagarrak mimatu eta ondo ureztatzea garrantzitsua da»

**Bidaurre baserriko Kontxi Izagirrek, azkenengo bi urteetan bezala, lehen saria irabazi du Ordiziako azokako fruta lehiaketan. Sagarrak, madariak, pikuak... denetik aurkeztu dute. Hurrengo lehiaketa datorren zapatuan dute, Bergaran, San Martinetako azokan.**

**Ez da Ordizian irabazi duzuen lehen aldia, ezta?**

Ez, hirugarren aldia da, azken bi urteetan ere lehen saria eskuratu genuen. Zortzigarren edo bederatzigarren aldia izango da aurkeztu garena, eta gainerako urteetan hirugarren geratu ginen.

**Sariak laguntzen dute saltzeko orduan?**

Bai, lagungarriak izaten dira ezagutzera emateko. Jendeak irabazi duzula jakiteak laguntzen du.

**Zer hartzten du kontuan epaimahaiak?**

Denetik pixka bat: aniztasuna, hau da, zenbat fruta mota ezberdin aurkezten dituzun, kalitatea, frutek daukaten itxura, eta baita aurkezpena ere, erakusmahaietan zelan aurkeztuta dauden.

**Zenbat fruta mota daukazue?**

Denera, 54 fruta mota eraman ditugu Ordiziara: 15 sagar mota, 14 madari mota, bost mahats mota, pikuak, fruitu lehorrak, melokotoiak, fruta txikiak...

**Batez ere sagarrak dituzue. Zein da halako sagarrak izateko sekretua?**

Ez dago sekreturik; sekretu bakarra sagarrak zaintzea da, mimatzea eta ondo ureztatzea. Hori bai, kontuan hartu behar da hemengo klima, eta horren araberrako sagar motak landatu.

**Bergaran, San Martinetako azokara ere joango zarete, ezta? Irabazteko esperantzarik bai?**

Hori ez da jakiten, baina saiatuko gara.

### ARAU SUBSIDIARIOAK IKUSGAI JARRIKO DITUZTE UDALETXEAN

Azkenengo Kontuolan kontatu genizuen bezala, arau subsidiarioak berritzeaz daude. 1984. urtekoak dira oraingo arauak, eta ordutik ez dituzte aldatu. Uztaileko osoko bilkuran behin-behineko dokumentu berria onartu ostean, dokumentu berri horren erakusketa antolatuko du Udalak. Udaletzeko osoko bilkuren aretoan jarriko dute erakusketa datorren astean bertan, eta nahi duenak han izango du arauetan egingo diren aldaketen berri. Ohiko ordutegietan egongo da zabalik erakusketa. Bestalde, dokumentu horri alegazioak egiteko aukera ere badago hil honen amaiera arte.

Aldaketa garrantzitsuenen artean, lurzoru industrialari dagokiona dugu. Arau berriekin, Ipurtikan industrialde berria egin ahal izango dute. Bestalde, alde zaharraren egiturari eustea aurrez ikusten du dokumentu berriak.

### EGUZKI AUZOAN EGONGO DA LIBURUTEGIA ASTELEHENETIK AURRERA

Liburutegi berria datorren astelehenean, irailak 10, zabalduko dute, udako oporretan itxita egon ondoren. Gizarte Etxe berria egiten urrian hastekoak direla eta, Eguzki auzoko lokal baten jarri dute liburutegia, eta ohiko ordutegia izango du: arratsaldeko 18:00etatik 20:00etara, hain zuzen ere. Gimnasia eta aerobic lokala ere tokiz aldatu dute, Eguzki auzoko beste lokal batean jarri dituzte. Dena dela, urrira arte ez dira aerobic eta gimnasia eskolak ematen hasiko. Izena emateko epea, berriz, irailaren erdialdean zabalduko dute. Gainerako lokalei dagokienean, Udalak jakinarazi digunez, han lokalak dituztenek urria baino lehen atera beharko dituzte bertatik gauza guztiak, esan bezala, orduan hasiko direlako Gizarte Etxe berria egiteko lanak. Dena dela, behar ez dituzten gauzak han laga ditzakete.



**MUEBLES IGEA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak  
Altzari rustikoetan  
espezializatuak

**LARREA**

**TABERNA**

Kalebarren 17  
ANTZUOLA